

Anij; jab kin wōnan dala, a kin ami yokwe;

Jon 21. 16. Jerb. 20. 28. 1 Kor. 9. 17. 1 Tim. 3. 3, 8. Tait. 1. 7.

3 Im komin jab iroi j ion men eo emwij likite na ibemi, a komin mōke joñok ñōn bwij eo.

Ezek. 34. 4. Mat. 20. 25. 2 Kor. 1. 24. Pil. 3. 17.

4 Im ñe Šeperd elap E naj waloktøk, kom naj bōk belin aibujuij e jamin mejkwun.

Hib. 13. 20. 1 Kor. 9. 25. 2 Tim. 4. 8. jap. 1. 4.

5 Ein drein komeo emōn drer, komin kōtāik kom ñōn ridto rōn. Aet, kom otemjej komin etā buruemi, in korijer ñōn dron: bwe Anij ej jūmae ro dri jua, a Ej lelok joij ñōn ro dri etā burueir.

Rom 12. 10. Jem. 4. 6.

6 Inem komin kōtāik kom iomin pein Anij ekajur, bwe En koutiej kom ilo ien ekar:

Jem. 4. 10.

7 Im komin likit ami inebata otemjej na iben, bwe Ej ierki kom.

Sam 37. 5. Hib. 13. 5.

8 Komin jadōr, komin ekil: dri kijirāte kom, devil eo, einwōt laiōn e rorror, ej etetal wōt im bukot eo ej maroñ in kōñi:

Luk 21. 34, 36. Job 1. 7. Luk 22. 81. Rev. 12. 12.

9 Eo komin jutōk jūmae im bin ilo ami tōmak, bwe kom jela bwe iñtan kein, ro jeļōmi im jātōmi rej ber i lōl, rej iñtan kaki.

Ep. 6. 11, 13. Jem. 4. 7. Jerb. 14. 22. jap. 2. 21.

10 Im Anij in joij otemjej, Eo e ar kir kom ñōn aibujuij eo An in drio ilo Kraist, ñe emwij ami iñtan jirik ien, E naj mōke kowāppen, kabin, im kakajur kom.

1 Tim. 6. 12. 1 Kor. 1. 9. 2 Kor. 4. 17. jap. 1. 6. Hib. 13. 21. Jud 24.

11 Ñōn Eo en kajur potata in drio im in drio. Amen.

jap. 4. 11. Rev. 1. 6.

12 Kin Silvenōs, jāter etiljek, einwōt ij watōk e, emwij aō jejewoj ñōn kom ilo etet nan, im kowe, im kennan bwe ein joij emol an Anij. Komin jutōk bin ilo e.

Hib. 13. 22. Jerb. 20. 24. 1 Kor. 15. 1. 2 Kor. 1. 19. 2 Pit. 1. 12.

13 Lio, eo i Babilōn, eo emwij kālete ibemi, ej yokyokwe kom: bar-einwōt Mark, nejiō.

Jerb. 12. 12.

14 Komin yokyokwe dron kin mejenma in yokwe.

Ainemōn ñōn kom otemjej rej ilo Kraist.

Rom 16. 16. Ep. 6. 23.

LETTER KEN KA RUO AN PITER.

JAPTER 1.

SAIMŌN Piter, korijer im dri lik an Jisōs Kraist, ñōn ro, emwij air jibarek tōmak eaurōk, einwōt kij, ilo kwojarjar an ar Anij im Dri Lomor Jisōs Kraist:

Jerb. 15. 14. Rom 1. 12. Ep. 4. 5. Tait. 1. 4. & 2. 13.

2 Joij ñōn kom im ainemōn en lōñlok ilo jela Anij im Jisōs ar Iroi j;

1 Pit. 1. 2.

3 Bwe An kajur einwōt an Anij, e ar letok ñōn kij men ko otemjej rekar ñōn mour im kōmōn ekwojar-

jar, kin jela Eo e ar kir kij ilo An aibujuij im maroñ;

Jon 17. 3. 1 Tes. 2. 12. 2 Tes. 2. 14. 2 Tim. 1. 9.

4 Kin men ko E ar letok ñōn kij muri ko An relaptata im aurōk; bwe ilo ir komin dri bōk mōtōn biktokin Anij, ke emwij ami ko jen kōt eo ej ber ilo lōl kin mōm ko renana.

Hib. 12. 10. 1 Jon 3. 2. jap. 2. 18, 20.

5 Aet, im kin men in komin kanuij kate kom, im ilo ami tōmak komin kōke emōn; im ilo ami emōn, jelalokjen;

jap. 3. 18. 1 Pit. 3. 7.

6 Im ilo ami jelalokjen, jadōr; im

ilo ami jadör, kijenmij; im ilo ami kijenmij, wänik;

7 Im ilo ami wänik, joiy ñön dron; im ilo ami joiy yokwe.

Gal. 6. 10. 1 Tes. 3. 12.

8 Bwe elañe men kein rej ami im lõñlok, rej kõmön bwe komin jab jowön ak jowa ñön jela ar IroiJ Jisös Kraist.

Jon 15. 2. Tait. 3. 14.

9 Bwe eo, men kein re jab iben, e bilo, im ej lo men eo wöt ej ebak, im ej meloklok kin karreo e jen jerawiwi ko an mokta.

1 Jon 2. 9, 11. Ep. 5. 26.

10 Kin men eo, ro jätio, en laplok ami kate kom im kamol an kir im kälet kom: bwe elañe komij kõmön men kein kom jamin tibñil:

1 Jon 3. 19. jap. 3. 17.

11 Bwe ein drein naj wujlepwoj ñön kom dreloñ eo iloan allif in drio an ar IroiJ im Dri Lomorer Jisös Kraist.

12 Kin men eo, ien otemjej I naj pojök in kakememej kom kin men kein, meñe kom jela kajeir, im bin wöt ilo mol eo ej ber ibemi.

Rom 15. 14, 15. Pil. 3. 1. 1 Jon 2. 21. 1 Pit. 5. 12. jap. 3. 17.

13 Im iomin aö ber ilo imön kabber in, ij lemnok bwe ejime aö kakejetoik kom kin kememej;

2 Kor. 5. 1. jap. 3. 1.

14 Bwe I jela e naj mököj an wutik aö imön kabber, im ein drein ar IroiJ Jisös Kraist e ar bakajen ñön iö.

Dut. 4. 21, 22. & 31. 14. 2 Tim. 4. 6. Jon 21. 18, 19.

15 Aet, I naj kate iö bwe, ien otemjej, komin maroñ in kememej men kein elikin aö ilok.

16 Bwe kim ar jab kajeoñwe bwebwenato wan ko an dri kabel, ke kim ar kajalaik kom kajur im itok an ar IroiJ Jisös Kraist, a kim ar dri kalimjek An wuj potata.

1 Kor. 1. 17. 2 Kor. 2. 17. & 4. 2. Mat. 17. 1, 2. Mark 9. 2. 1 Jon 1. 1.

17 Bwe E ar bök jen Anij Jemen nebar im aibujuij, ke alniken eo e ar itok ñön E jen wuj eo emön po-

tata, E in Nejiö jitenburu iba, im Eo ij buñburuö kake:

Mat. 3. 17. & 17. 5. Mark 1. 11. & 9. 7. Luk 3. 22. & 9. 35.

18 Im ainiken in kim ar roñjake itok jen lõñ, ke kim ar ber iben ilo tol ekwojarjar.

Eks. 3. 5. Jos. 5. 15.

19 Im iber nan in drikanij, ar kabinlok e, eo emön ami kõmön elañe komij kejbäroke, einwöt maram ej romak ijo e marok, mae ien rantak, im iju ran ej tak ilo buruemi:

Sam 119. 106. Jon 5. 35. 2 Kor. 4. 4, 6. Rev. 2. 28. & 22. 16.

20 Im kom jela men in mokta, bwe ejelok nan in drikanij an Jeje ko an dri kanan ro kemeleleiklok iair.

Rom 12. 6.

21 Bwe ejelok nan in drikanij e ar itok kin ankil an armij: a armij r'ar konono jen Anij, kin an Jitöb Kwojarjar kokononoik ir.

2 Tim. 3. 16. 1 Pit. 1. 11. 2 Samuel 23. 2. Luk 1. 70. Jerb. 1. 16. & 3. 18.

JAPTER 2.

ARO dri kanan riöp r'ar walok ilo bwiljin armij rön, im bar-einwöt e naj or dri kaki riöp ibemi, ro re naj kadreloñwoj ilo etino kaktak ko re bwir im rej kokkure, im re naj karmijete IroiJ eo E ar wiaik ir, im naj böktok ioir kokkure mököj.

Dut. 13. 1. Mat. 24. 11. Jerb. 20. 30. 1 Tim. 4. 1. Jud 4. 1 Kor. 6. 20. Hib. 10. 29. Pil. 3. 19.

2 Im elöñ re naj kajeoñwe ejek ko air; im kin ir naj konono nae ial in mol.

3 Im ilo ankwonak, kin nan in etao ko, re naj wia kin kom: ro nan in liakelok ir jen eto e jab rumljtok, im kokkure ir e jab kiki.

Rom 16. 18. 2 Kor. 12. 17, 18. 1 Tim. 6. 5. Tait. 1. 11. 2 Kor. 2. 17. Dut. 32. 35.

4 Bwe elañe Anij e ar jab tiriamokake enjel ro ke r'ar jerawiwi, a jolöllok ir ñön jikin nana, im likit ir na iloan roñ in marok ko, bwe En drebij ir ñön ekajet;

Job 4. 18. Jud 6. Jon 8. 44. 1 Jon 3. 8. Rev. 20. 2, 3.

5 Im E ar jab tiriamokake löl

mokta, a E ar kejbärok Noa, im bar jet jiljilimjuön, e dri kwaloke kwojarjar, ke Ej böktok lañ eo lon löl an ro dri nana,

Jen. 7. 1. 1 Pit. 3. 19, 20. Jap. 3. 6.

6 Im E ar kanuij tili jikin kwelok ko Sodöm im Gomorra, im liakelok ir ñön kakkure, im likit ir joñok ñön ro re naj kômön nana tokelik; Jen. 19. 24. Dut. 29. 23. Jud 7. Bwin. 26. 10.

7 Im E ar lomoren Lot, armij ewänik, ke elap an buromöj kin an ro dri nana kômön ilo ejej

Jen. 19. 16.

8 (Bwe kin an lo im roñjake ir, armij in emön ke ej ber ibeir, e ar kaburomöj an emön ran otemiej kin air kômön im kötörei kien):

Sam 119. 139, 158. Ezek. 9. 4.

9 Anij e jela kijkan an kötlok ro remön jen men in kabo, im drebij ro renana ilo joñön kwotön ñön ran in ekajet;

Sam 34. 17, 19. 1 Kor. 10. 13.

10 A, laptata, ro rej lor könlek ilo möm ko an etton, im kejekron kajur an iroi rön: rej mökarkar im böst, re jab mijök in konono nae men ko reutiej:

Jud 4. 8.

11 Ijoke enjel rön, meñe relap jen ir ilo kajur im maroñ, re jab böktok kinaklok in kajirere nae ir, iman mejen Iroi.

Jud 9.

12 A rein, einwöt kiru ko re bwebwe, im lotak ñön jibwe im kokkure ir, rej konono nana kin men ko re jaje kaki, im re naj joko ilo air köt;

Jer. 12. 3. Jud 10.

13 Im naj iñtan kin nana wönan air kômön nana; armij rej likit karek ilo ran men in mönönö, rej mār ko im men in kananaik ko, im rej yokwe im mönönö kake mon ko air, ke rej kwojkwoj ibemi: Pil. 3. 19. Rom 13. 13. Jud 12. 1 Kor. 11. 20, 21.

14 Im mejeir r'obrök kin lüñ, im ban je jen jerawiwi; rej kamej ro dri loañinutor; im burueir re minene kin ankawönak; ro nejin kol;

Jud 11.

15 R'ar illok jen ial ejime, im jebwäbwe, ke r'ar ilok ielok ilo ial an Beleam, nejin Beor, eo e ar yokwe wönan kômön nana;

Bwin. 22. 5.

16 A ar enoik e kin an kômön nana; kiru ass e ban konono, e ar ba kin ainiken armij, im böprae an dri kanan eo uriekak.

17 Rein rej aibij ko im ejelok dren, im rej tap ko bökklok kin aire; im ar kejbärok ñön ir kilmej in marok.

Jud 12, 13.

18 Bwe, ke rej ba nan ko re böj im killip ak ejelok kobön, rej karel ilo möm ko an könlek, kin lüñ ko, ro rej kab ko jen ro rej berwöt ilo bwir;

Jud 16. Jerb. 2. 40. Jap. 1. 4.

19 Rej muri ñön ir kin air anemkwojair, ke rej möke dri kama-koko an köt; bwe jabrewöt men eo ej bök anjo ion armij, men in ej kamakokoik e.

Gal. 5. 13. Jon 8. 34. Rom 6. 16.

20 Bwe elañe, elikin air ko jen etton ko an löl, ilo jela Iroi im Dri Lomor Jisös Kraist, rej bar lorök kaki im emwij bättök ir, inem air ber im mour elik enana jen eo mokta.

Mat. 12. 45. Jap. 1. 2, 4.

21 Bwe emön ñön ir, elañe r'ar jab jela ial in kwojarjar, jen ke emwij air jela kajen rej oktöklük jen kien ekwojarjar ar likit e na ibeir.

Luk 12. 47. Jon 9. 41.

22 Im e ar walok ñön ir ekar ñön jabön kennan emol, Kiru rorror e ar oktök ñön mwöj eo möjen, im pig koköra, emwij kwole, ñön biri-köt im drabilbil.

Pro. 26. 11.

JAPTER 3.

KIÖ, ro jitenburu, ij jejewoj ñön kom letter in ken ka ruo, im ilo irro ij kworuj ami lolätät erroe kin kememej:

Jap. 1. 13.

2 Bwe komin kememej nan ko dri kanan r'ar ba mokta, im kieu Iroi

im Dri Lomor, emwij lewoj kin dri jilik ro ami:

Jud 17.

3 Im kom jela men in mokta, bwe ilo ran ko eliktata, eor dri kajirere re naj itok im kajirere, im etetal ilo mōm ko air, im ba,

1 Tim. 4. 1. 2 Tim. 3. 1. Jap. 2. 10.

4 Ej ber ia kalimur eo kin An itok? bwe, jen ran eo ke ro jimar r'ar kiki, men ko otemjej r'ar ber-wōt einwōt air ber jen jinoin kōmōnmōn.

Isa. 5. 19. Jer. 17. 15. Ezek. 12. 22, 27. Mat. 24. 48. Luk 12. 45.

5 Bwe rej kōnan meloklok men in, bwe lōñ ko r'ar ber jen ien ko remotelok, kab lōl eo emwij kabine jen dren im kin dren, kin nan in Anij;

Jen. 1. 6. 9. Hīb. 11. 3. Sam 24. 2. & 33. 6. & 138. 6. Kol. 1. 17.

6 Im kin men kein lōl, e kar ilo ien eo, ke dren ej kalibubu e, e ar joko:

Jen. 7. 11, 21. Jap. 2. 5.

7 A lōñ ko kiō im lōl, kin nan eo, kejāroki nōn kijeek ilo ran in ekajet im kokkure armij renana.

Mat. 25. 41. 2 Tes. 1. 8.

8 A komin jab meloklok men in, komeo jitenburu, bwe iben Iroi j juōn ran ej einwōt juōn tausan yiō, im juōn tausan yiō einwōt juōn ran.

Sam 90. 4.

9 Iroi e jab kemmer kin An kalimur, einwōt jet rej watōk rumij; a Ej meanwōr nōn kom, im jab kōnan bwe jabrewōt en joko, a bwe ren otemjej itok im ukwelok ibeir.

Hab. 2. 3. Hīb. 10. 37. Isa. 30. 18. Ezek. 18. 23. Rom 2. 4. 1 Tim. 2. 4.

10 A ran in Iroi e naj itok einwōt dri kwot, im ilo e lōñ ko re naj jokolok kin nōrñōr elap, im men ko ilo e re naj unlok kin bwil elap, im lōl kab men in kōmōn ko ilo e, naj kanuij tili ir.

Luk 12. 30. 1 Tes. 5. 2. Sam 102. 26. Mat. 24. 35, 43. Rom 8. 12. Rev. 21. 1.

11 Inem, bwe naj ein drein an men kein otemjej unlok, ta men eo komin wōjake ilo kōmōn wānik im kabuñ rokwojarjar,

1 Pit. 1. 15.

12 Ke komij kōtōmene im lipjer an ran in Iroi j itok, kin eo lōñ ko re naj monlok ilo kijeek, im men ko iloan re naj unlok kin bwil elap?

1 Kor. 1. 7. Tait. 2. 13. Isa. 34. 4. Mika 1. 4.

13 A ekar nōn kalimur eo An, jej kōtōmene kin lōñ ko rekal im lōl ekal, eo kwojarjar ej jokwe iloan.

Isa. 65. 17. & 66. 22. Rev. 21. 1, 27.

14 Kin men in, ro jitenburu, ke komij kōtōmene kin men kein, komin kate kom bwe En lo kom ilo ainemōn im ejelok ami mār ak notami iman mejen.

1 Kor. 1. 8. & 15. 58. Pil. 1. 10. 1 Tes. 3. 13. & 5. 23.

15 Im komin watōk meanwōr an ar Iroi j lomor; einwōt jāter Paul, e jitenburu, e ar jejewoj nōn kom kin meletlet ar lelok nōn e;

Rom 2. 4. 1 Pit. 3. 20.

16 Ein drein bareinwōt ilo letter otemjej an, ej ba ilo ir kin men kein; jet iair rebin kin melele kaki, im ro dri jajelokjen im dri loañinutor rej kankeke ir, im bareinwōt Jeje ko jet, nōn kokkure ir mōke.

Rom 8. 19. 1 Kor. 15. 24. 1 Tes. 4. 15.

17 Inem komeo, ro jitenburu, bwe kom jela mokta kin men kein, komin lale ñe kab bōklok kom kin bwir an ro renana, im kom buñ jen ami bin.

Mark 13. 23. Jap. 1. 12. Ep. 4. 14. Jap. 2. 18.

18 A komin edreklok ilo joij im jela ar Iroi j Jisōs Kraist. Nōn E en aibujuij kiō im nōn in drio. Amen.

Ep. 4. 15. 1 Pit. 2. 2. 2 Tim. 4. 18. Rev. 1. 6.